



Inatsisartunut ilaasortaq
Akitsinnguaq Olsen
Siumut

**AKOL_Alcoami pilersaarummi piffissat pillugit § 36 malillugu apeqquteqaammut
2010-068-imut akissuteqaat**

14. april 2010
Sagsnr. 2010-025967
Dok. Nr. 349124

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@gh.gl
www.nanod.gl

Asasara Akitsinnguaq
Aluminium pillugu pilersaarummut atatillugu misissuinerit ingerlateqqinneri pillugit
apeqquteqaatinnut qutsavigaakkit.

Ukioq manna ukiaanerani ataatsimiinnissamut naatsorsuutigaara SMV (pilersaarutini
avatangiisit pillugit nalilineq) pillugu Naalakkersuisut aalajangiiffigisassatut
siunnersummik saqqummiussisinnaassasut, tassani inuiaqatigiit
aninggaasarsiornerannik misissueqqissaarnermit aamma nuttarsinnaaneq pillugu
misissuinermit aallaaveqartut, www.aluminium.gl aqqutigalugu tamanut
saqqummiunneqareersoq.

SMV'mi sammisat makku ilanngunneqassapput; pinngortitaq, avatangiisit, peqqissuseq,
kultuuri aamma nunap immikkoortuini inerartorneq.

Aalajangiinissamut tunngavia kingunerisassanut misissueqqissaarineqassaaq
erseqqinnerusumillu ilaartorneqassalluni, pilersaarutip inuiaqatigiit aninggaasarsiornerisa
kingunissaannik, nuttarsinnaanermut pissutsinik, nunap immikkoortuinik
inoqatigiinnermillu misissueqqissaarnerit kiisalu ilinniartitsinissakkut pilersaarutit
pisariaqartitsinerillu pillugit nassuaateqartussaassalluni.

Isumaqaerpunga pilersaarutip ingerlateqqinnissaata misissueqqissaarinerit tamakku
Inatsisartut aalajangiinissaannut tamakkiisumik tunngavissaqartitsissasut.

Kingunerisassatut misissueqqissaarnerinut suliassami oqallisissiat inaartissaat
naalakkersuisoqarfimma maanna inaarsaleruttorpaa. Tamanna naalakkersuisoqarfiiit
susassaqartut aamma Greenland Development suleqatigalugit ingerlanneqarpooq.

Attaveqaatit eqqarsaatigalugit Maniitsumi talittarfeqarnermi pissutsit misisueqqissaarneri
ingerlanneqalereerpoq. Sanaartornerup nalaani talittarfitsigut annertuumik
naammassisqaqsinnaaneq immikkut pisariaqartinnejqarpooq. Tamatumani
aatsitsitivimmik sanaartornerup tungaatigut kiisalu Maniitsumi inissianik
sanaartortitsinermut tunngasutigut. Suliassaq Kalaallit Nunaanni aamma Danmarkimi
selskabinet immikkut toqqakkanut sisamanut suliarinnittussarsiuunneqarsimavoq.
Selskabi nunatsinneersoq pitsaanerpaasumik neqerooruteqarluni suliassamik
tunineqarmat nammineerlunga nuannaarutigaara.

Suliffissat amerlassusii eqqarsaatigalugu nalilerparput, ingerlatsinerup nalaani suliffiit nutaat 1.100 – 1.200-t pilersinneqarumaartut. Taakkunanga aatsitsivittaani sulisut 600-ssapput, taakkuninnga sullisisut 100-t (nerisassiorneq, eqqiaaneq assigisaallu), erngup nukinganik nukissiorfimmi sulisut 50-it, saniatigut pilersuisutut toqqaannanngitsumik sulisinnejartut 200-t kiisalu pisortat ingerlatsinerini sulisinnejartut, suliffeqarfinni sullissisuusuni il.il. suliat saniatigut sulisinnejartunik taanejartut sulisut 200-t.

Islandimi misilitakkat tunngavigalugit naatsorsuutigaara, aatsitsivimmi sulisussanik 600-nik kiisalu sullissifinni sulisussat 100-t ilinniartinnejarnissaannut pisariaqartitsineq ima agguataaneqassasut, 57 %-ii ilinniarsimasuunngissinnaasut, 24 %-ii suliaqarfitsigut tunngaviusumik ilinniagaqarsimasuussasut, 8 %-ii akunnattumik sivisussuseqartumik ilinniarsimasuussasut kiisalu 11 %-ii qaffasinnerusumik ilinniarsimasuussallutik.

Sulisussanik ilinniartitaanermillu pisariaqartitat tamakku aaqqiissuteqarfiginiarlugit suliffissarsiuussisarnermi ilinniartitaanermilu sammisaqartitagut annertoorujussuarmik misilitassatut unammilligassaqaqtussaapput. Ilaatigut tamakku kingunerisassatut misissueqqissaarinermi nassuiarniartussaavagut. Tamatumunnga ilaassapput nunap immikkoortuini kingunerisassat nunami sammisanut allanut kingunerisassat aamma nassuarneqarnissaat.

Pilersaarummi aningaasaqarneq pillugu nammineq misissueqqissaarinerput sammisap iluani immikkut ilisimasallit nunarsuarmi tamaneersut peqatigalugit ingerlateqqissavarput. Piginneqataassuteqarnissamut tunngasut pillugit Inatsisartut aappaagumut aalajangernissaannut misissueqqissaarinerit pingaaruteqartutut tunngaviussapput.

Qularutiginngilara kingunerisassaattut misissueqqissaarineq apeqqutinnik allanik akissuteqartitsissasut. Taamaammat neriuutigaara misissuinerit tamakku naammasseriarpata paassisutissat erseqqinnerusut uterfigiumaarakkit paasisinnaassagit. Taaneqareersutut kingunerisassatut misissueqqissaarinerit inernerri, Inatsisartut 2010-mi ukiaanerani ataatsimiinneranni Naalakkersuisut saqqummiussassaat, aalajangiinissamut tunngavissanut aamma ilaajumaarput.

Inussiarnersumik inuullaqqusilluta

Ove Karl Berthelsen